

دار الفنون

حقوق افغانانو لسترا محمد علي

حقوق اقتصاديات

ایکي آبه بر نسر اولنور

مندرجات

قسم حقوقی :

- قضا صلاحیتک شخص وموقع اعتباریله تحدیداتی [جمیل]
 فرانسه ده احوال مدنیه ومعاملات و سجالاتی [صدیق سامی]
 فردی حقوق اجتماعی حقوق واستحاله دولت [ادیب]

قسم اقتصادی :

- استقراض ودیون عمومیه [عینی زاده حسن تحسین]

و تائوه قسمی :

- حقوق عائله قانونی لایحه سی واسباب موجهه سی
 واجبات قومیسونی ضبط نامه لری
 حقوق مؤسسه سی تاریخی

استانبول — مطبعة عامره

۱۳۴۱ — ۱۳۴۳

موقع اعتباریله جزا صلاحیتنده تحدیدلر

ایضی تجارت کیمیلرله ارتکاب ایدیلن جرمدر

بردولت لیانلرنده ویاقره صولرنده بولنان دیکر بردولت تجارت کیمیلرینک، حرب کیمیلری کبی، دولت حق قضا سندن استثناسنی ایجاب ایده جک هیچ بر صفت عامه لری یوقدر. بالعکس قصد ربج ایله طولاشدقلری و صرف خصوصی ملکیتی و منافعی تمثیل ایلدکلری جهته بو کیمیلرک محلی قضا حقنه تابع طولملری لازم کلیر. بونک خلافی استثنادرکه معاهده لرله تأمین ایدلمش اولمق لازمدر. بوسبيله قالوونک دیدیکی کبی دولت، صولرنده دمیراثمش اولان بوتون کیمیلر اوزرنده ضابطه اجرا ایدر. و محکمه لری، قالوونک افاده سنی بوراده دها عمومیه شدیره رک دیه جکم که، بولرنده ارتکاب ایدیلن جرائمی اساساً رؤیته صلاحیتدار عد اولنور. شو قدرکه بالذاب بحری تجارتک اهمیت و سیر سفائن انضباطنک استلزام ایلدیکی استثنائی شرائط بوقاعده دن بعض احوالده کینک سنجاغنی طاشیدینی دولت لهنه انحرافی مؤدی اولمش و بوده مقاوله لرله ویا محلی قانونلرله وضع ایدلمشدر.

اساسی بوضورتله درپیش ایتمکله بردولت لیانلرنده محلی صلاحیت قضائیه یی اصل اولارق آلمش اولیورم. بوکا مخالف اولارق سفینه لرک سنجاغنی حامل اولدقلری دولتک برپارچه سی اولملری اعتباریله اساسده کندی دولترلرینک حق قضا سنه تابع اولملری و بو سفائن داخلنده کی بعض جرملرک استثناء محلی محکمه لرله عائد بولمنسی فکرینی التزام ایده نلر وار ایسه ده ذاتاً یا کلش بر فکره استنادایدن بواساس قاعده نک تفسیری امرنده ده بری ناهموار نتیجه لرله کوتوره بیلیر. شبهه و تردد حالنده حاکمیت محلیه نک رجحانی تشریع ایچون محلی صلاحیت قضائیه یی ده پانیه نک التزامی وجهله اصل اولارق قبول ایتمک و تجارت بحریه نک انکشافی ایچون اقتضایدن جهته لری فعلیات و منفعت ملاحظاتندن ملهم استثناء دیله مک شایان ترجیحدر. بو خصوصده لیان و مرسلر ایله قره صولری اراسنده ده فرق تثبیت ایتمک لازمدر. حقوق دول قواعدینه امتثالاً عقد ایتدی کمز المان و اوستریا معاهده لرنده دخی بویول تعقیب ایدلمش ایسه ده فرانسه نک برچوق مملکتلره اورنک تشکیل ایدیلن معاهده لری بونلری

آیر مامش و بزمده حرب عمومی ایچنده حقوق دول قواعدینه امتثالاً عقد ایتدی کمز آلمان و آوستریا معاهده لرنده دخی بویول تعقیب ایدلمش ایسه ده حقوق دول انستیتوسنک پک طبیعی و معقول کوردیکمز اجتهادی ماهیتلری اعتباریله یکدیگر لرندن فرقی اولان بوصولده کی سفائن حقنده فرقی بر اصول و معامله قبول ایتکده اولدیغندن مستقبل معاهده لر مزده نظر دفته الله جغنی ظن ایتدی کمز بو اساسه کوره مطالعات عرض ایلیه جکزه .

لیماندرده اجنبی تجارت کیمیری بردولت صولرینه کیرن و اوراده دمیرله یین اجنبی تجارت کیمیری ایله او دولت اراضیسنده بولنان اجنبی شخصلر اراسنده حاکم مارشال هیچ برفرق کورمه مکله برابر وضعیتجه نسبی برفرق کورمک ممکندر . کمی منسوب اولدیغی بایراق آلتنده سیاحت ایدر . دیگر طرفدن ده کیز تام قره کی حاکمیت حقوقنک تطبیق و استعمالنه مساعد دکلدر . صانکه تداخل ایدن بویکی حاکمیت مواجهه سنده بردولتک ، تجارتنک انکشافی تأمین و شهرتی محافظه اندیشه سیله ، کندی بایراغنی طاشیان کمی طرفندن ویا بویکلمده ارتکاب ایدیله جک جرملری جزالاندرمغه شتاب ایتمی طبیعی بواندیغی جهتله بونلرک آجیق ده کیزلرده اولدیغی کمی ، دیگر دولت صولرنده ده منسوب اولدقلری دولت محکمه لرینه تابع اولملری التزام اولنه بیلیر ایسه ده انضباط عمومی و اسایش مسئله سنده بردولتک منافع عمومیه سنک محافظه سنه بالذات نکهمیان اولماسی . اصلی برمبدأ اولدیغی جهتله صلاحیت ملکیه یی اساس اوله رق قبول ایتک و ایشته بوباید مارشالک نقطه نظرنی قبول ایله مک لازم کلیر .

بوخصوصده بین الملل حقوقده ایکی اساسی اصول واردر : بونلرک برنجیسی انضباطی ماهیتی حائر اولانلردن ماعدا بردولت صولرنده برکمی داخلنده واقع اولان بوتون جرملرک محلی محکمه لره عادتینی التزام ایدن انکلز امریفا اصولی ، ایکنجیسی بردولت صولرنده کی اجنبی بر تجارت کمیسی داخلنده ارتکاب ایدیلن بوتون جرملرک محلی انتظامی بالضروره اخلال ایله مدیکی نقطه نظرنی ترویج ایدن فرانسر اصولی . بویکنجی اصوله کوره مهم اولان نقطه هانکی جرملرک محلی حاکمیتی و انتظامی علاقه دار ایتدیکنی تعیین ایتکدر . برکمی داخلنده صرف انضباطه تعلق ایدن عادی جرملرک محلی حاکمیتی علاقه دار ایتدیکننده عموماً اتفاق وار ایسه ده بوندن ماعدا ده مسئله محتاج تثبیت قالمده در . جرملک کمینک ساحه سنی تجاوز و کمی بی خارجه مناسبه وضع ایدوب ایتدیکنه یعنی کمی خارجنده تظاهر بولنوب بولنادیغنه می باقاجغز ؟ جرملک و ضغنیه می باقاجغز ؟ مجرم ویا مجنی علیه ک تابعتیه می باقاجغز ؟ مرتباندن ویا بویلیردن اولوب اولماسنه می باقاجغز ؟

موريس تراوردهس يکديکرينه مخالف اولان ايکي اصول اراسنده ايکي نقطهده تام مطابقت قيد ايدور : (۱) صرف کينک داخلي انضباطنه متعلق جرملر . (۲) مرتبات ويوجلير طرفدن قرده ارتکاب ايدلش جرملر . بونلرک برنجيسي بالاتفاق کينک منسوب اولديمی دولت وایکنجیسی اراضيسنده جرملرک ارتکاب ايدليکی دولت قانونلرينه تابعدر . بونلر خارجنده کی جرملرده درکه ايکي اصول آيريلر .

فرانسز اصولی برنجی ایمپراطورلق شورای دولتدن ۱۸۰۶ ده صادر اولان وقانون قوتی حائر اولان قراره مستنددر . اوصرده فرانسییه عائد اولان آنورس لیمانده نوتون امریقا کیمسنه عائد صاندالده ايکي طائفه دوکوشمشلر ایدی . مارسلیاده ینه امریقایه عائد سالی کیمسنه قایدان کندن اذن المقسزین کی قایغنی قوللانان برطائفه یی یارالامشدی . ايکي امریقا کیمسنه ارتکاب ايدیلن بوجرائم مناسبتله صادر اولان قرار فرانسز محکمه لرینک بوايشه وضع ید ایتمه لرینه محل اولمادیغنی تبیین ایتمه که برابر اسباب موجهه سنده بریطرف کينک نامحدود صورتده بیطرف بر محل کی عد ایدله میه جکی ، فرانسز لیمانلرنده کندیسنه بخش ايدیلن حمایه نك ، محلی حق قضانك ، دولت منافعه نه تعلق ایدن خصوصاتده کف یدینی استلزام ایلیمیه جکنی ، بوصورتله دولت لیاننه قبول ايدیلن بیطرف کينک قبول یدليکی محل پولیس قانونلرينه یحق تابع بولندیغنی و مرتباتی افرادینک ولو کی داخلنده اولسون مرتباتدن اولمایانلر علیه نه ارتکاب ایتدکلری جرملردن ویانلرله یابدقلمی حقوقی مقاوله لردن طولایی محلی محکمه لرینه تابع بولندقلمی فقط کی داخلنده مرتباتدن برینک عین مرتباتدن برکیمسه علیه نه ارتکاب ایتدیکی جرملرده کينک انضباط داخلینسه متعلق اولمق اعتباریله مأمورین محلیه نك معاوتی طلب ایدلکه ویا لیانك آسایشی اخلال ایدلکه بیطرف دولتک حقوقه رعایت ایدلمک لازم که جکی وبوباده تعقیب اولنه جق یکانه قاعده نك بوتفریقدن عبارت بولندیغنی تصریح ایدلمشدر . ملکی صلاحیتک اساس اعتباریله اهل اولدیغنی فکرینک فرانسز اصولنده دخی قبول ایدليکی بوقراردن اکلاشیلیور . دولت منافعه نه تعلق ایدن کافه خصوصاتده ، پولیس قوانینه تعلق ایدن مسائلده وکی داخلنده بیله اولسه مرتباتدن اولمایانلر علیه نه ارتکاب ايدیلن جرملرده محلی قضایه صلاحیت محفوظ بولندیریلیور . هم بونلر اويله عمومی وکنیش تعبیرلردر که بوتون حقوق جزایی همان احتوا ایده بیلرلر .

کی داخلنده ارتکاب ايدیلن جرائم اول محلی مأمورینک معاوتی طلب ایدلمک

ثانیاً لیانک اساسی اخلاص اولنماق شرطیه محلی قضایه تابع دکلدر . مورس تراورسه کوره بو باده فعل جرمینک وصفی حائر تأثیر دکلدر . واقعا قرارده délit جنحه تعبیری استعمال اولنش ایسهده او تاریخدرده بوتعبیر بوکون قانون جزانک جنایت وجنحه دیه تقسیم ایتدیکی جرملرک عمومیه شامل برمعنده استعمال ایدیلیر ایدی . انضباط جرائمک عمومیتیه محلی قضادن خارج طومسی اهمیتلرینک آزلغندن ویا توصیفلرندن دکل کمی حیاتنک دائره سنی تجاوز ایتمه لرندن طولایدر . امریقا ایله عقد ایتدیکمز معاهده نک توصیف جرمیه بنای حکم ایتسنه نظراً بوفکر بزم ایچون حائر اعتبار اولاماز . جنایت بذانه کمی دائره سنی تجاوز ایدر .

شوالده کمی داخلنده ارتکاب ایدیلن جرم فرانسز موضوعاتنه کوره محلی محکمه لرینی انجاق اوج صورته علاقه دار ایدر :

۱ جرم، کمی داخلنده ، مرتباتدن اولمیانلردن بری طرفندن ویا مرتباتدن اولمیانلر علیهنده ارتکاب ایدلش ایسه . مورس تراورس بوراده مرتباته یولجیلریده تمثیل ایتک لازم کله چکنی چونکه قرارده هر نه قدر یالکیز مرتباتدن بحث اولنور ایسهده بونک یولجیلر ایچون موضوع بحث ایدلمه مش اولسندن متولد ارلدیغنی یعنی قیدک احترازی دکل وقوعی بولندیغنی ، جرمی ارتکاب ایدن ، ویا علیهنه ارتکاب جرم اولنان کیمسهنک کمی طائفه ویا کمی ضابطانندن اولمایوب یولجی بولنمسیله جرمک کمینک حیات داخلیه سنه اعلقندن حقیقیه جغنی ذکر ایدیور .

آلمانیا و آوستریا ایله حرب عمومیهده عقد ایتدیکمز قونسلوسلق مقاوله سنک ۲۲نجی ماده لرنده (فقره ۲) « دوائر مملکتک کیده حادث اولان قارغشه لقره اشبو قارغشه لقره لیانده ویا قرده آسایش وانتظام عامیه یی محل بر ماهیتده اولمادیغنی ویا عموم مرتباتدن اولمایان بر شخص قاریشمش بولمادیغنی زمان مداخله ایدمیه جکلرینی » تصریح ایتکده در . بوراده عموم مرتباتدن اولمایان شخص یولجیه شامل کورنمور . مسئله ، محلی مأمورینک ، مراجعت اوزرینه می یوقسه رأسمی صلاحیتدار اولدقلری نقطه سنک تعینه متعلق اولوب یولجیلردن هر برینک محلی معاوتی طلب ایدنجه مأمورینک مداخله یه صلاحیتی هرا یکی حالده دخی مسلم اولسنه نظراً مورس تراورسک فکری قبول ایدلیدیکی تقدیرده تطبیقی نقطه نظرندن محذور تولد ایتز ایسهده محلی حاکمینک جریانی اصل اولارق قبول ایدیلنجه

یوچیلری کینک تابع اولدینی دولت قانون و محکمه لرینه تابع طوتمق کیفیت نظری اولارق
توجیه ایدیه مز. ذاتاً فرانسه محکمه تمیزینک برقرارنده جرمک اجنبی کی مرتبانه تعلق
ایتمه سی حالنده محلی صلاحیت صراحة التزم اولمشدر. کندنک ده پانیه شورای دولت
قراردن بونک خلافتی استنتاج ایشدر. مجرم و یا مجنی علیه دن برینک مرتباتدن
اولماسی ده پانیه کوره محاکم محلیه نك مداخله سنه حق ویرر حقوق دول انستیتوسی قره
صولرنده بوفکری نوعما نظر دفته آلیور.

۲ لیان آسایشی اخلال ایدلیکی تقدیرده. بو اوپله عمومی بر قسطاسدرکه مأمورین
محلیه و کینک منسوب اولدینی دولت قونسلوسی طرفندن ک واسع معناده تطبیق اولنه بیلیر
و پک خوق اختلافلی دعوت ایله بیلیر. موریس تراورسه کوره قرارده لیان آسایشی
اخلال ایدلمکجه مأمورین محلیه نك مداخله ایتمه سی تبیین ایدلمسندن جرمک امنیت عامه یی
نظری اولارق اخلال ایدیه بیلیمی دکل فعلی قارغشه لق اولسی لازمدر. لیان آسایشنک
جرمک اثنای وقوعنده و یا قره ده وقوعنه اطلاع حاصل ایدلیکی زمانده مختل اولمش
ازلماسی فرقسزدر.

حالوکه فرانسه محکمه تمیزینک بر قرارنده کیفیت لیان آسایشی اخلال ایدیه جک
ماهیتده اولدینی و هیچ برملتک اراضینک هر قسمنده احکامنه رعایتی تأمین ایله مکلف
بولدینی قانونلرینک باهر و علنی بر اخلالندن عبارت بولتمق اعتباریه ملکی و قضائی
حاکمیتی خللدار ایتمکسزین جزاسز بر اقامایاجنی آغیر بر حقوق عمومی جنایتی اولدینی
تقدیرده « مأمورین محلیه نك مداخله سی اساسی وضع اولنیور. فرانسه محکمه تمیزینک ،
مداخله قطاسی اولمق اوزره وضعیت فعلیه یینه قویدینی فعلک صرف و خافتی کیفیت
اگر صرف ماهیت جرم اعتباریه بروخامت ایسه ۱۸۳۷ ده فرانسه حکومتنجه شورای
دولت قرارینه ویریلن معنایه مخالف کورونیور. اوصره ده بر فرانسز لیاننده بولنان
بر اسوج کیسینده مرتبات علیه تسمیم جنایتی ارتکاب ایدن طائفه حقنده ره نس
محکمه سی کندینی صلاحیتدار عدایدوب ایتمه مکده تردد ایدیه رک بونک اوزرینه عدلیه وکالته
مراجعت ایتش و عدلیه وکیلی حارجیه وکیلی ایله بالاستشاره مجرمک کی مأمورلرینه
تسلیمنی امر ایله مشدر. بونکله برابر ده پانیه نك دیدیکی کی جرم بعضاً او قدر وخیم اولورکه
حد ذاتنده ایقاعیه لیان آسایشی خللدار ایدر و کینک خارچنده بر تأثیری اولوب اولمادیغنک
اراشدیرلمسینه لزوم اولمقسزین مأمورین محلیه کندینی صلاحیتدار عدایلهر.

کذلك جرم دولت علیه ایسه یاخود پولیس نظاماتک اخلاقی تضمن ایدیورسه
بالطبع محاکم محلیه صلاحیتداردر .

۳ مأمورین محلیه نك معاوتی طلب ایدلمش ایسه ، لیان آسایشنك اخلاقی ویا مأمورین
محلیه نك معاوتی طلب ایدلدیکی احوالده بونلر انطباقی تدابیر اتخاذایله آسایش وامنیتی محافظه
ایله جکری کی محلی قانونلرینی تطبیق صورتیله جزا تطبیقنده صلاحیتداردرلر .

فرانسز شورای دولتنك قرارندن ملهم اولان بو فرانسز اصولی مختلف تنقیداته
مساعددر . ده پانییه کوره بر کره محلی مأموریندن معاونت طلبی کیفیتی مطلق اولارق
ذکر ایدلمشدر . شو حالده مجنی علیه ده کمی قایدانی ده قونسوس ده فقط مجرم ده بومعاوتی
طلب ایده بیله جکدر . دیگر طرفدن بو قراره استناداً مأمورین محلیه لیان آسایشنی وقونسوس
خلافی التزام ایدرهک یا هر ایکسی ده کندیلرینی صلاحیتدار عد ایدرلر ، بو یوزدن آراده
اختلاف تحدث ایدر ؛ یاخود هر ایکی طرف عینی درجه ده لاقید قایلرلر ، بوندن مجرمک
جزاسز قلمسی نتیجه سی حاصل اولور . کذلك بو قراره ساحه تطبیقی نظرندن شایان تنقیددر .
لیانلرده و قره صولرنده ارتکاب ایدیلن جرملری تفریق ایتیمور . حالبوکه لیان داخلنده
ارتکاب ایدیلن جرملر قره اوزرنده ارتکاب ایدلمش کی محلی محکمه لره ، صورت
مطلقه ده تابعدر .

موريس تراورسه کوره فرانسز شورای دولتنك قرارینه اساس اولان تلقی فرانسه نك
مختلف معاهدلرینه و قانونلرینه درج ایدلمك صورتیله احراز ایتدیکی حکم و نفوذدر غماً
رد ایدلمك لازم کلیر .

بر کره بونك هم ملکیت هم خارج از مملکتک کی مختلط بر قاعده یه ، یکدیگریله
غیر قابل تألیف ایکی فرضیه یه استناد ایتدیکی قضیه سی التزام اولنه ماز . کینک بر دولت
ساحلی صولرنده یعنی انك حاکمیتک جریان ایتدیکی یرده بولنامسی بر فرضیه دکل بر حقیقتدر .
کذلك کینک سنجاغنی طاشیدینی دولته ارتباطی و بونك ایچنده کچن هر شیئک
مطلقاً آسایش محلی نی علاقهدار ایله میله جکی کیفیتیه ده بویله در . بر ضدیت مسئله سی ده
موضوع بحث ایدیله من چونکه بین الملل حقوق جزائییه ده مبدأ صلاحیتلرک نفی دکل جمعیدر .
بو سببیه بو اعتراض حائز اهمیت دکدر . مهم اعتراض شورای دولت قرارینی بر اساس
منطقیدن محروم کوسته رن اعتراضدر .

موريس تراورسه كوره بر كره ايكي شيدن برني قبول ايتك لازمدر : يا اجنبى
تجار كيمى دروننده ارتكاب ايديلن جرم اجنبى طوپراقلرده ارتكاب ايدلمش عدولنه جقدر
و بو تقديرده اراضى دولت خارجنده تعقيبانه تابع طوتيلاماياجقدر. يا خود بالعمكس اراضى
دولت اوزرنده ارتكاب ايدلمش عد اولنه جق و بو حالده جزالانديرلمى بر كونه شرائط
خصوصيه تابع طوتيلاماياجقدر .

في الحقيقة اجنبى طوپراقلرده ارتكاب ايدلمش اولان جرائمك بعضيسى بيله مملكت
قانونلرينه توفيقاً داخلده تعقيبانه تابع طوتولوركن مملكتك صولرنده ارتكاب ايديلن بعض
جرائمى بو قانولرك حكمندن خارج طوتمق غير طبيعى كورينير . فقط بر اساسى بوتون
نتائجيله قبول و ياردايتك لازمدر . بوسيله ياردولت صولرنده بولنان كيملى اجنبى طوپراقلى
عد ايتك اقتضا ايدركه بو نتيجه نا قابل قبولدر . يا خود بو كيملر داخلنده ارتكاب ايديلن
بوتون جرملى قانون محلى يه تابع طوتمق ايجاب ايدر . ايسته ليانلرده كى كيملر تطبيق
اولنه جق بو قاعدهدر .

موريس تراورسه كوره، منطقاً، ايكنجى درجهده، بردولت صولرنده بولنان حرب كيملرندن
غيرى كيملرده ارتكاب ايديلن هر دولو جرائم - بسيط بر انضباطى جرم دكل ايسه - محلى
قانون و محكمه لره ، كمينك بولندينى صولرده توقف ويا حركت اوزره اولدينى و اورايه
بالضروره كلديكى بيننده فرق احداث ايتمكسزىن تابع اولمق لازم كليز . قره صولرى ايله
ليانلر بيننده موجود فرقى نظردفته آلمان بو فكر منطقى اولسه بيله عملى هيچ بر فائده
عرض ايتمز . چونكه بر دولتك قره صولرندن سادهجه چكن تجارت كيملى داخلنده
ارتكاب ايديلوب اسايش محلى ي علاقه دار ايتمين جرملى او سفينه لرى طورديرارق
محلى محكمه لره تابع طوتمق نظرى بر جزا حقى يرينه سربستى تجارتى و انكشاف اقتصادى ي
كورله تمك ديمكدر، ديكر طرفدن قره صولرى ايله ليانلر بيننده آرتق عموماً قبول ايدلمش
فرقى نظردفته آلامقدر . بو مسئله حقوق دول انستيتوسنده او چ دفعه مذاكره ايدلادكن
صوكر ا اكثريتله تقرر ايدن رأى ايله قطعى صورته حل اولمشدر: ليانلر - بونى عمومى
برمعنده، كيملك توقف ايتديكى وساحل ايله مناسبنده بولندينى بوتون يرلى جامع برمعنده
قوللانيورم - بردولتك قارالرى كيدير . قره صولرى اوزرنده حارى حقوق ايسه بوندن فرقليدير .
بوسيله دركه قره صولرندن توقف ايتمهرك چكن كيملرده كى جرملى ليانلرده توقف اوزره

اولان کیلر داخلنده کی جرملر کی تمام یله محلی محکمه لره تابع طوتمق جهتی قبول ایدیله مرز. لیان داخلنده کی کیده ارکاب ایدیلن جرملرک محلی محکمه لره جزالاندرلسی علیهنه. سرد ایدیلن قوتلی بر اعتراضی ده بو میانه ذکر ایتمک لازمدر. دیورلرکه کی بر لیانده معدود ساعتلر توقف ایده جکدر. کی کیتدکن صوکر ا شاهدلری وکی قیودان ومرتباتی اواره یه تکرار جلب ایتمک کوچدر مجرم و مجنی علیه اوراده قالسه لرده لسان آشنا اولمالری احتمالی واردر. تعقیبات و تحقیقاتده محلی دولته دوچار اوله جنی بو مشکلات سببیه کیده صرف مرتبات ویا مرتبات ایله یولجیلر بئننده واقع اولان جرملری کینک، صولرنده بولندینی دولته محکمه لینه دکل تابع اولدینی دولته محکمه لینه بر اقق حقیقتک تظاهری اعتبار یاهده ده موافقدر. بواعتراض یالکزر ظاهراً قوتلیدر. چونکه کینک تابع اولدینی دولته ده بوبابده ده آز مشکلاته تصادف ایده جکی ادعا اولنه ماز. محل جرملک اوزاقلغه شاعدرلک وحتی جرمله علاقه دار اولانلرک یولده کی یی ترک ایتملری کیفیتی انضمام ایدنجه کینک منسوب اولدینی دولته اجرا ایدیله جک تحقیقاتده آز مشکل اولمایاجنی اکلایشیلیر. باخصوص که بو دولته تحقیقات بالضروره کچ باشلا یاجقدر. حالبوکه تحقیقات و تعقیباتک امین و مؤثر اولماسی ایچون جرملک وقوعی متعاقب باشلامسی لازمدر. بوندن باشقه کینک صولرنده بولوندینی دولت محکمه لینه بو بابده طائش اولان صلاحیت کینک منسوب اولدینی دولت قانون و محکمه لرینک صلاحیتنی نفی ایدیجی اولمادیغنی ده خاطر لاق لازمدر. صلاحیتلرک بوتزاحمی مؤثر بر جزانک ضمانیدر.

مورس تراورس معاونت طلبی حالنده مأمورین محلیه جه تعقیباته مباشرت کیفیتکده اصوله موافق اولمایاجنی تشریح ایدیور. فی الحقیقه قایدانک طلبنک صلاحیت محکمه یی تعدیل ایده بیللمسی ناقابل قبول برشیدر. قایدانک طلبی انضباطی تدابیر اتخا زینی استلزام ایدر مجرملرک درستی و توقیفی ایچون، ضابطه واقع اولان طلب اوزرینه معاونت ایله یه بیلیر. لکن بویله بر طلبک رؤیت دعوا ایده جک محکمه یی و تطبیق اولنه جق جزا قانوننی تعدیل ایتمی کیفیتی اصول نقطه نظرندن قاعده یه مخالفدر. دیگر طرفدن لیان آسایشنک اخلاقی کیفیتی دخی تطبیقه قطعی وسالم بر قسطاسی بولنمسی ممکن اولمایان برشیدر.

فرانسز اصولی فرانسه نک مختلف دولتلرله عقد ایتدیکی مقاوله لر اوچ شکلده قبول ایدلمشدر، برنجی آمریکا ایله منعقد ۱۸۵۲ تاریخی معاهده نک شکلدرکه او صاف

اساسیہ سی شویله خلاصہ اولنہ بیلیر : کمینک انتظام داخل سیلہ مختصر آ قونسولر مکلفدر .
 ۲ مأمورین محلیہ بونلر طرفندن طلب وقوعندہ یاردیمله مکلفدر . ۳ مأمورین محلیہ نک
 کندی کندینہ مداخله سی جائز دکلدر .

بر آمریکا قونسولوسی مقاوله یه استناداً بر امریکا کیسه چیقان برفرانسز راصدینک کمی
 ایکنجی سوارسی طرفندن ضرب ایلمسی حادثه سنه وضع ید ایتک ایستدی . محکمه بو
 نقطه نظری ترویجه مساعد ایدی . عدلیه وکیلی خارجیہ وکالتنه مراجعت ایتدی . فرانسز
 راصدک مرتباتدن اولمسی اعتباریه معاهده نک بوکا شامل اولامیه جنی نقطه نظری تعمیماً
 تبلیغ ایدلدی . امریکا خارجیہ وکیلده فرانسه خارجیہ وکیلنک نقطه نظری ترویج
 ایتدیکندن سواری فرانسز محکمه لرنده محاکمه و آلتی آی حبس جزاسنه محکوم ایدلدی .
 ایکنجی شکلده مأمورین محلیه نک معاوتی ذکر ایدلمه مش و بونلرک یالکز لیان سایشی
 اخلال خالنده مداخله لری تصریح ایدلمشدر . اوچنجی شکلده -- که فرانسه نک اسپانیا
 ایله اولان ۱۸۶۲ تاریخی معاهده سنده در -- مأمورین محلیه نک یالکز سایش ایله دکل
 محلی تبعه دن برینک -- مرتباتدن اولمق اوزره -- علاقه در بولمسیله ده استلزام اولمشدر .
 فرانسز اصولی برچوق دولترجه قبول ایدلمشدر . از جمله بلجیقا ، ایتالیا ، یونانستان ،
 مکسیقا ، بره زلیلیا ، پورتکیز .

انکلیز اصولی -- انکلیزده قواعد وامثال عدلیه انکلیز صولرنده طوران ویا سفر
 اوزره اولان دیگر دولت تجارت کیلرینه لیان آسایشی خللدار اولماسه ده قضا معافیتی بخش
 ایتمز . یعنی ملکی قضا صلاحیتی صورت مطلقه ده التزام ایدر حتی اجنبی صولرنده بولنان
 انکلیز کیلرنده ارتکاب ایدلمش جرملری ده کندی محکمه لرینک صلاحیتندہ عد ایدر .
 ۱۸۷۸ تاریخی قانون موجبنه انکلیزده تبعه سندن اولسون اولماسون برکیسه طرفندن
 اچیق دیزلرده و انکلیز متصرفاتنک قره صولرنده اوچ میله قدر ارتکاب ایدیلن جرملر
 اجنبی برکی داخلنده ویا اجنبی برکی طرفندن ارتکاب ایدلمش اولسونلر ، انکلیزده نک حق
 قضاسنه تابعدرلر . بوسبیلہ بوجرملرک فاعلاری توقیف محاکمه و محکوم اولنه بیلیرلر . شوقدرکه
 بوصولیتنک استعمالی انکلیز وکیللرندن برینک و متصرفاتده والینک بونک مناسب اولاجغه
 متدائر بیاناتی و موافقتی ایله تقید ایدلمشدر .

موریس تراورس انکلیز محکمه لرینک اجنبی تجارت کیلری داخلنده یالکز کمی

انضباطنه ویا کیجیلرک ملکی وظیفه لرینه متداثر جرائی جزا لاندیرمق ایچون مداخله ایتمه ملری متعامل اولدیغی سویله یور . بونکله برابر انضباطی معاملاتده سؤ استعمال وقوعنده نه محکمه لرک مداخله سی طابق لازم کلیر . ۱۸۹۱ ده تایمس نهرنده دمیر آتیش بر آلمان تجارت واپورنده کی برلمان طاقفه انکلیز محکمه سنه مراجعتله کمی صاحبک کندیسنی برنوع قامچی ایله باشندن دوکدیکندن شکایتده بولوندی . محکمه دن جلب صادر اولدی . فقط آلمان ایلیجیسی، خارجی وکالتی نزدنده، اجنبی برکینک مرتباندن برینه قامچی وسائر ایله ویریلن برجزای انضباطی یه انکلیز محکمه لرینک قضا صلاحیتک شامل اولمادیغندن بحثله شدتلی تشبثاده بولوندی . خارجی وکالتی مداخله ایتدی وبوصورتله انکلیز محکمه سنک حرکتی ضمناً تصویب ایتدی . طاقفه شکایتی کری الدیغندن دعوا ندرجه لندی ایسه ده بو ، انکلیز محکمه لرینک نقطه نظری صراحة تعیین ایدن برشیدر .

بونکله برابر ۱۹۰۴ ده بوصورت حرکت هیهچ اویمایان واستنا تشکیل ایدن برقرار عدلی نقل اولنیورکه بونک نه کی فعلی ظروف واحوال نتیجه سنده ویرلیدیکی معلوم اولمادیغی جهتله امثال عدایدلمسی ممکن دکندر . سوت سیلده ده برلی برروس یلکن کیسنک سوارسی نیوقاستل روس قونسلسونه مراجعتله کیجه طاقفه ددن اوچ کیشینک تجاوزینه اوغرادیغندن و شدتله دوکولدیکندن شکایت ایتدی و بونلرک توقیف و محلی محکمه حضورینه اعزام ایدلملرینی ایسته دی . متجاوزلر فرداسی کونی پولیس محکمه سی حضورینه سوق اولندیلر . فقط محکمه جرمک برروس کمیسی اوزرنده ارتکاب ایدلمش اولماسی جهتله روس اراضیسی اوزرنده ایقاع ایدلمش اولدیغی فکرنده بولندی ومجرملرک روسیه ده محاکمه ایدلمسی ایچون روس قونسلسونه تسلیم ایدلملرینی امر ایتدی !

امریقا اصولی امریقا اصول وامثال عدلیه سنده دخی ملکی حاکمیت دستورینک جهت جزاییه ده تمامیه تطبیقنه طوعرو بر تکامل تجلی ایتدیکی قابل انکار دکندر .
نته کیم امریقا محکمه عالیه سندن اکس شائر مسئله سنده ویریلن قرارده دیگر مملکت لیمانلرینی تجارت سببیه زیارت ایدن تجارت کیلرینک، بولیمانلرده بولندیجه، انلری اداره ایدن قانونلره، معاهده ده خلافی تصریح ایدلمدکجه، تابع اولاجقاری تصریح ایدلمش در . کذلک نورلاند بلجیقا کمیسنده موجه لردن برینک دیگرینی پچاق ایله آمریقا لیماننده اولدیرمسی اوزرینه هر ایکسینک ده بلجیقالی اولسی مناسبتیه بلجیقا قونسلسوسی صرف کندیسنک

صلاحیتدار بولندیغنی ادعایتمکله برابر محکمۀ عالیہ برانجی تجارت کیسندہ امریقاییانلرندن برنده ارتکاب ایدیلن برجنایت زجنجه جرمنک رویتنه امریقا محکمهلرینک صلاحیتدار بولندیغنه قرار ویرمشدیر . امریقا خارجیه وکیلی طرفندن پازیلان مکتوبده دخی بر مملکت قضا صلاحیتک راضیسی داخلنده مطلق و انحصاری برماهیته اولدیغنی و لیانلرک و قره صولرینک قره لر کی بواراضی اقسامندن بولندیغنی تبیین ایدلدکدن سوکرا دینیورکه : هیچ بر دوتیه صولر مزده بولنان برانجی تجارت کیسی ایچنده جرم ارتکاب ایدن تبعهلرینی محکمهلر مزک قضا صلاحیتندن خارج طومق حقنی طانیامیز ، حتی جنایت صرف کمی ضابطانی ، مرتباتی و یولجیلرینی علاقهدار قیلسه بیله . ظروف و احوال بویله بر فعلی محکمهلر مزده رؤیت حقندن صرفنظار ایتمکله بزی سواق ایده بیلیر . فقط حد ذاتنده بو حقت موجودیتی شبهه کوتورمز و بوندن صرفنظار ایتک ویا اجراسنی تأیید ایتک صرف بزه عاندر » بونکله برابر بو حقت کمی انضباط داخلینسه مداخله شکلنه تردی ایتیه جک شکلده تطبیقی کیفیتندن و مرتبات افرادینک سؤ معامله دن طولایی سواریلر عاپنده کی بوتون دعوالرینی مأمورین محلیه نک رؤیته قالدیشمالرینک بین الملل تجارتی اضرار ایلیه جکندن ده بحث ایدلمکده در .

۱۸۸۷ ده امریقا رئیس جمهوری طرفندن سه نایه تبلیغ ایدیلن وکیل بایارک راپوری امریقا محکمۀ عالیہ سنک بر قرارندن شو صورتله بحث ایتمکده در : « چوقدنبری تجربه کوستردیکه محلی حکومتک کیلرک داخلی انضباطنه و عمومیتله سواریلرک و طائفهلرک کندی ارالرنده کی مناسباته مداخله دن توقی ایتیمی تجارت ایچون ده ایتی اولاجقدر . انضباط ایشلرینک و کیمده نه مملکتک وقع و حیثیتنی نه ده لیانک اسایش وامینیتنی علاقهدار ایتیه رک صرف کمی یه و مرتباته عاندا اولق اوزره کچن بوتون شیلرک محلی حق قضان خارج فالسی و کمینک منسوب اولدیغنی دولتجه انک قوانیننه و منافع تجاریه سنه کوره محاکمه ایدلسی مدنی ملتلرک نهایت عمومیتله تصدیق ایتدکلری بر کیفیتدر . شو قدرکه کمی داخلنده کی ارتکاب ایدیلن جنایت صلحی ویا لیانک اسایشنی اخلال ایده جک منیهته ایسه مجرملر بین الملل نزاکت ویا تعامل ایله محلی محکمهلرک عدم صلاحیتنی اصلا ادعا ایلیه مزملر . »

بونلر امریقا امثال عدلیه سندن صرف کیلرک داخلی انضباطنه تعلق ایدن جهتلرده محلی قضا صلاحیتک ترک و فراغی تمایلی تجلی ایتدیر مکله برابر محکمهلرک بونی بین الملل نزاکت و معامله عطف ایله اقادہ ایتیمی و ملکی صلاحیتک اصلا محفوظ طو تلسی بوتمایله بر قاعده حقوقیه ماهیتی عطفنه مساعد

دکدر، شوقدر که رسمی رأی و مطالعه لک و قرار لک اکثریسی تجارتک منافعی و بین الملل ترا کتک ایجاب لری سوبله جرمک صرف کمی به منحصر بر لئسی حالنده مأمورین ملکیه جه قضاصلاحیتک ترکی صورتده ملکیت اساسی تعدیل ایدیجی بر ماهیتده تجلی ایتکده در. امثال قسمنده آمریقانک نقطه نظری وقایع دهائی تنویر ایده جکدر. معروف آمریقا حقو قشناسی جون باسسه ت مور محلی صلاحیت حقنی اساس اولارق تعیین ایتدکن صو کرا حال حاضرده اجنبی دولت لیانلرده بولنان خصوصی کیلره متعلق حقوق دول قواعدی شویله خلاصه ایدیور : « لیانلرده کمی داخلنده مراتب طرفندن بری دیگری علیه ارتکاب ایدیلن افعال ایله کمی به منسوب اولانلرک عمومیتله حقوق و وظائفک تنظیمنه تعلق ایدن خصوصاً تده کمی قضای محیدن مستنادر . فقط کمی داخلنده ارتکاب ایدیلن افعال کمینک بولندیجی مملکت لیاننک آسایشنی ویا بو مملکت تبعه سنک شخصی ویا ملکنی علاقه دار ایدیورسه مملکتک حق قضاسی واردر . مور ، مأمورین محلیه نک ، تجارت کیسنده جریان ایتدیکندن بحث ایدیلن هر واقعه ده حصول اطمینان ایچون کمی به دخول و آتی معاینه ایتک حقنی حائز اولدق لری ده ذکر ایلور .

تورکیه نهج عمره بسی — تورکیه محکمه لرنجه نه صورتله حرکت اوله جغنی کسیره . بیلیمکمز ایچون بر طرفدن دولت عثمانیه نک قایتولاسیونلرک الغاسندن صو کرا عقد ایتدیجی معاهده لره تورکیه جمهوریتک آمریقایله منعقد معاهده ده — بومعاهده لرک یا انفساخ قبول ایدلش اولق ویا هنوز تصدیق ایدله مش بولنق اعتباریله بر قیمت تطبیقیه سی بولنما قله برابر . قبول ایتدیجی سیستمی تدقیق ایتک دیگر طرفدن بعض بین الملل امثال عدلیه ده نقل ایتک فائده لی اولاجغنی تخمین ایدیوروم .

دولت عثمانیه ایله المانیا و اوستریا اراسنده عقدایدیلن قونسولسلق مقاوله لرینک ۲۱،۲۰، ۲۴،۲۳،۲۲ ویکرمی بشنجی ماده لری قونسولسولرک ملی سفائنه عائد خصوصاً تده وظیفه و صلاحیت لری تعیین ایتکده در . قونسولسولره منسوب اولدق لری ملت سفینه لری حقنده مرکز حوضه لرنده بولندقجه مظاهر ت رسمیه ده بولنه بیلیمک صلاحیتنی ویرن یکرمنجی ماده بی تعقیب ایله ی ۲۱ نجی ماده تجارت کیسنده تحقیقات و تعقیبات ضمننده (تخری ضبط دردست قبل الحکم توقیف کی) بر معامله و بر حکمک اجراسی ویا دیگر رسمی بر معامله تضییقیه نک ایفاسی حالنده و کذلک قرده مرتبادن برینک استجوابنده قونسولسک

خبردار ایدیله جکئی و معامله نك اجرایی وقتی اشعار اولنه رق قونسولوسك دعوت اولنه جغنی شرط ایتمکدر. کلمزه ویا کلد کدن صوکر ا کیدر سه غیابنده معامله ایفا ایدیله جکئی ذکر ایدیلکله برابر بویله بر قید قاپیتولر بر شمه عرض ایتمکده در. ترجانلرک محکمه ده وقتیله بولنه بیلملرینه مساعدنه نك بالآخره حضور حق ادعاسنه نه صورتله سبب اولدیغنی بیلن بر دولت آرتق معاهده لرینه بویله بر قید قویغنی قبول ایتمه ملیدی.

بجتمزه اصل تعلق ایدن ۲۲ نجی ماده در: «باش شهیندرلر، شهیندرلر، شهیندر وکیللری و شهیندر مأمورلری ملتلرینک سفائن تجاریه لرند، انتظام داخلینک محافظه سیله منحصرأ مکلفدرلر؛ عموم مرتبات آراسنده کی منازعاتی و بونلردن بالخاصه اجرتیه و متقابلاً منعقد تعهداتک ایفاسنه متعلق اولانلری فصل خصوصنده یالکز کندیلری صلاحیتدار اولاجقلردر.

دوائر مملکت کیده حادث اولان قارغشه لقلره، اشبو قارغشه لقلر لیانده ویا قرده آسایش و انتظام عامه بی محل بر ماهیتده اولما یخه ویا عموم مرتباتدن اولیان بر شخص قاریشمش اولمادجقه، مدافعه ایده میه جکلردر.

کیده حدوث ایدن دیگر بالجمله قارغشه لق حاللرنده دوائر مملکت مأمورین شهیندری یه ویا شهیندرک غیابنده قاپودانلره، اگر طلب ایدرلر سه، معاونت ایلکله اکتفا ایله یه - جکلردر. سالف الذکر دوائر مملکت علی الخصوص عموم مرتباتدن بر شخصی کمی یه اعاده ویا دردست ایده جکلردر، مکرکه شق اخبرده شخص مرقوم تبعه محلیه دن اوله. حال موقوفیه القا دوائر محایه یه یوقلامه دفترینک یعنی سفینه نك عموم موجودینی مبین دفترک موثوق بر فقره مستخرجه سیله برلکده کوندریله جک طلبنامه اوزرینه وقوع بولاجق و موقوفیت ایکی آی یاخود، اگر سفینه لیانده دهها زیاده قالیر و موقوف کمی یه اعاده اولنه جق اولور سه، کینک عزیزمنته قدر دوام ایده جکلدر. دردست و توقیف مصارفی مأمور شهیندری یه عائد اولاجقدر.

۲۳ نجی ماده فراریلرک دردست و - وقته ۲۴ نجی ماده قضازده کیلره و ۲۵ نجی ماده خسارات بحریه یه عائددر.

۲۲ نجی ماده نك قونسولوسلره ملی سفائنک انتظام داخلینی محافظه امرنده بخش ایتدیکی صلاحیت عمومی بر فورمولدر. مأمورین محلیه نك کمی یه مداخله لری انتظام

عامه نك اخلاصه ويا عموم مرتباتدن اوليان بر شخصك قارشمش اولمسی حالنه حصر اولنه رق طلب معاونت حالی ذكر ایدله مشدر . دیگر طرفدن عموم مرتبات آراسنده کی منازعاتك فصلی خصوصنده یالکز قونسلوسلر صلاحیتدار عد اولندیغندن بومنازعاتك انتظام عامه یی اخلاص ایتسی حالنده صلاحیتك هانکی طرفه عائد اولاجنی کیفیتي مدار تردد اولایله جك کبی کورونورسده انتظام عامه قیدی اساسه تعلق ایتدیکندن آندن اولکی فقره حکمی بو بالطبع تقید ایدر . بویله صرف مرتبات آراسنده کی منازعات انتظام عامه یی اخلاص ایتمهك شرطیله قونسلوسلره عائد اولایلیر . معاهده لر مذك بورایه قدر فقراتی فرانسه اسپانیا آراسنده کی معاهده نك فورمولنه تماماً مطابقدر .

فقط ماده شوشکلی آلتنده بالاده عرض ایتدیکمز محذورلری حائزدر . دیگر طرفدن کمینک وضعیتی مطلق اولارق ذکر اولنمشدر . ده اول کچن ۲۰ نجی ماده کیملرک قونسلوسک بوتون حوضه مأموریتنده وضعیتی تعیین ایتدیکی جهتله بالطبع بو ماده دن دخی عینی وضعیت مستفاددر وشو حالده کمینک لیانلرله قره صولرنده بولنلرینه کوره یکدیکنندن فرقی اولماسی لازم کلن احکامه دکل عین قواعد متابعتی قبول ایدلمشدر . اسپانیا فرانسه معاهده سی حقوق دول انستیتوسنک مقرراتندن اول عقد ایدلمش اولدیغی جهتله نظریاتده بو عدم تفریقك دوچار اولدیغی تنقیداتدن صوکر ا عقد ایدیلن بر معاهده ده بونی نظر دفته آلامق جائز اولماملی ایدی .

کاهلم لوزانده آمریکا ایله عقد ایدیلن و تصدیق ایدلمه مش بولنان معاهده نك قبول ایتدیکی صورته .

بو معاهده برکزه ۱۵ نجی ماده سنده عاقلدرك بایراغنی حامل تجارت کیملرینک و صورت خصوصیه ده تصرف ایدیلن سائر کیملرک دیگر طرف قره صولرنده و آچیق دکزلرده بایراغنی حامل اولدیغی طرف کیمسی کبی عد اولانه جنی اساسنی قویدقن صوکر ا ۲۹ نجی ماده سنده دینیورکه « مملکتلرینک بایراغنی حامل تجارت کیملریله سائر خصوصی کیملرک داخلی انضباطنه متعلق اختلافاتی یالکز قونسلوس مأمورلری رؤیت ایده جکلری کبی ضابطان ایله مرتبات آراسنده هر زرده اولورسه اولسون کمی انضباطنه متعلق ظهور ایدن وقعلری بولنرله علاقهدار اولان اشخاص و کمی کندی حوضه مأموریتلرینه کیردکلرنده منحصرأ بومأمورلر رؤیت صلاحیتدار اولاجقلردر . مرتبات اجرتنک تسویه سنه

وبوکامتعلق مقاولاتک اجراسنه متعلق منازعاتی قوانین محلیه مساعد اولدینی تقدیرده کذلک بومأمورلر رؤیتہ صلاحیتدار اولاجقلردر .

قونسلسوی تعیین ایدن مملکت سنجاغنی حامل و آنک وظیفه سنی ایفا ایتدیکی مملکت قره صولرنده کائن بر تجارت کمیسی ویا خصوصی بر سفینه داخلنده ارتکاب ایدیلن فعل، قوانین محلیه کوره جنایت صورتیه توصیف ایدیلن و او صورتله جزالاندریلا بیلن بر ماهته ایه قونسلس مأموری آنکه قوانین محلیه کنديسنه مساعد اولمادقچه مشغول اولامایا جقدر .

شوراسی مقرردر که یوقاریکی فقرده مذکور حال خارجنده مأمورین محلیه ، کیده تحدت ایدن قارغشه لقلر قرده ویا لیانده آسایشی و انتظام عامه یی اخلاص ایده جک ماهیتده اولمادقچه ویا مملکت افرادندن اولان یا خود مرتباتدن اولیان بر کیمسه قاریشمش بولمادقچه مداخه ایده میه جکلردر .

قونسلس مأمورلری ، وظیفه لری ایفا ایتدکاری مملکت قره صولرنده کنديلری تعیین ایدن مملکت بایراغنی طاشیان بر کمی داخلنده انضباطک محافظه سنه تعلق ایدن هر هانکی بر مسئله ده محلی ضابطه سنک معاونتنی طلب ایده بیله جکلردر و آنلرک طلبی اوزرینه لازم کلن معاونت کنديلری ایفا اولنه جقدر .

قونسلس مأمورلری کنديلری تعیین ایدن مملکت بایراغنی طاشیان کیملر ضابطلری و مرتباتی ایله برابر ، وظیفه لری ایفا ایتدکاری مملکت مقامات عدلیه سی حضورنده آنلرک تر جانلغنی و مأمورلغنی ایفا ایتک اوزره اثاب وجود ایایه بیله جکلردر .

امریقا ایله یاپیلان معاهده نک خصوصیتی کیده ارتکاب ایدیلن فعلک بر توصیف جنائییه مساعد بولنمی حالنده و کذلک مرتباتدن اولیان کیمسه قاریشمش بولننمی حالده مأمورین محلیه نک صلاحیتدار بولماسندن عبارتدر . معاهده دیگر معاهده لک عرض ایندیکی محذورلری جامعدر . یالکز صلاحیت ملکیه یه دیگرلرندن فضله موقع ویرمشدر و بر قسطاس قومشدر .

بعضه امثال ۱۸۳۷ ده لوار نهری ایچنده په مبوف فرانسز لیاننده دیرلی فورساتینغ کیمسی ایچنده مرتباتدن بری دیگرلری تسمیم ایتیش ایدی . ره نس محکمه سی ، ایچنده جریمک ارتکاب ایدلیدی کینک تجارت کمیسی اولسی و فرانسز صولرنده لنگر انداز بولنشی و فرانسه

ایله اسوج آراسنده بوبایدہ مقابلیت بولناماسی جهتله مجرملری عما که ایده جک مرجع حقنده تردده دوچار اولمش ایدی . حکومت - بالاده دخی بختی کچدیکی اوزره - مجرمک کمی به تسلیمنی تنسیب ایدی .

۱۸۴۱ ده امریقایه عائد قره نول کمیسی داخنده انکلتره ایله امریقا آراسنده مناقشه تولید ایدن و بو بخته عائد حقوق دول قواعدینی ، قالووک دیدیکی کبی ، تنویر ایله این حادثات واقع اولدی . بوکمی امریقایه عائد ریشمونند لیماستی نوئل اورله آنه کیتسک اوزره ترک ایتش ایدی . ایچنده اوتوز بش کوله واردی . سفر اثناسنده بو کوله لردن بر قسمی عصیان ایتدیلر و بر یولجینی اولدوردکن و سواری بی و طائفه دن بر چوغنی آغیرجه یارالادقن صوکر ا کبی به تحکم ایتدیلر . ایکسجی سواری اولوم تهدیدی آلتنده کبی بی ناساوا انکلز لیماسته کوتورمکه مجبور اولدی . بوشهرده کی امریقا قونسلسوسی بو کوله لردن عصیانده اک زیاده مدخلدار اولان اون طقوزینی توقیف ایتدیردی . انکلز مأمورلری در حال بونلر علیهنه جنایت تعقیباتنه باشلادیلر . دیگر کوله لره کلنجه بونلر کندیلکلر ندنمی قره به چیقدقلری بوقسه قونسلس و سواری طرفندنمی سربست براقدقلری آ کلاشیلامادی .

امریقا انکلتره به یازدینی نوطه ده عارضه بحریه ویا غیر ملحوظ حادثات سببیه انکلز لیمازلرنده توقفه مجبور اولان امریقا کیملرینک محلی حق قضایه تابع طوتلرینه وکیده بولنان اشخاص و اشیا به مملکت مأمورلرینک مداخله ده بولنلرینه موافقت ایله به میه جکنی ، امریقا وطنداشلرینه عائد کوله لردن انکلز طوپراغنه التجا ایدنلر حقنده انکلز مأمورلرینک ایسته دکبری کبی حرکت ایده ییلملرینی امریقا قبول ایدر ایسه ده عین اساسک هنوز ، بر انکلز لیماسته دمیری بر امریقا کیسند بولنان کوله لره انکلز قانونلرینک و محکمه لرینک ساحه شمولی داخنده بولنامالری اعتباریله ، تطبیق اولنه میه جفنی بیلدیره رک قره نولدن چیقان کوله لرک تکرار تسلیمنی ایسته دی . انکلتره حکومتی کوله لرک مجرد انکلتره طوپراغنه آفاق باصمقله سربست انسانلر اولدیغنه استناد ایده رک قطعی رد جوابی ویردی .

ایکی حکومت اویوشامادقلرندن ۱۸۵۳ ده اختلافی اساس نقطه نظرندن مختلط بر قومیسونه تدبیر ایتدیلر . فقط قومیسوننده دخی رأیلر انقسام ایتدیکندن لوندرونک اک طائمش بر حقوقشناسنه ، موسیو باتسه اختلافی عرض ایله دیلر . بو انکلز حقوقشناسنه کوره : ۱ انکلتره مأمورلرینک بر انکلز لیماسته بولنان بر امریقا کمیسی داخنده کی کوله لر

اوزرنده هیچ بر حق اولاماز . حتی بو مأمورلر ، سوارییه ، کیمده بولنان کیمسه لره قارشی صلاحیتی استعمال امرنده یاردیم ایله مکلفدرلر . ۲ انگلیز قانون بلدیمی هیچ بر حاکمک بر جرم ایشله مه مش اولان دوست بر دولت کیسنی قوه عسکریه ایله استیلا ایده رک و کی صاحبک مملکتی قانونلری موجبجه کیسی داخلده رعایت ایتدیرمکه مکلف بولندیغی انضباطی بوصولته شدتله اخلاص ایله یه رک حقوق دولی اخلاص ایتسنه جواز بخش اولاماز .

۱۸۷۳ ده اننا قامپ امریکا کیسی سواریسی آله ر الله ن حقنده لیورپول محکمه سی کندیسنی صلاحیتدار عد ایتسی اوزرینه امریکا خارجه وکیلی هامیلتون فیش انگلتره محکمه لرینک سواری ایله مرتبات آراسنده یالکز انگلیز صولرنده دکل آجیق دکلرده ده متحدت دعوالری رؤیت ایتکه مراجعت و شکایت اوزرینه کندیلرینی صلاحیتدار عد ایتدیکندن طولانی پروتستوده بولندی . بالذات انگلیز محکمه لرینک اجنبی کی سواری و مرتباتی آراسنده متحدت منازعاتی اکثریتله کندی صلاحیتلری خارجنده عد ایتدیکنی و بو صورت حرکتک دیگر بحری دولتلرک تعامل عمومیسنه و بو دولتلرک صلاحیتدار مقامات عالیة عدلیه سی طرفندن ادراک و تفسیر ایدیلن بین الدول حقوق بحریه قواعدینه مطابق بولندیغی ادعا ایله دی . موسیو فیش امثال اولارق ره لیانس انگلیز کیسنی ذکر ایدیور . بو کمینک یولده بولندیغی صروده مرتبات ایله سواریسی بیننده بر منازعه اولمش کی نیویورقه کلدیکنده نیویورق بحریه محکمه سنده اقامه دعوی ایدلمش فقط کرک سواری کرک طائفه انگلیز اولدقلری جهته محکمه بو مسئله وضع ید ایتمکدن استنکاف ایله مش امریکا محکمه بحریه سی اجنبی سواریلر ایله مجهزلر آراسنده متحدت منازعاتی سیاحت تعطیل ایدلمش و یا طائفه غیر مشروع صورتده چیقارلمش اولماقجه فصل ایتمکدن استنکاف ایتدیکندن امریکا محکمه لرینک حضورنده بو یولده دعوا اقامه ایتک آشبشده اولان اجنبی کیچی ایچون منسوب اولدیغی دولت تجاری و یا سیاسی ممثلک رسمی تأییدی تأمین یاخود بو استنکافک عدمی حالنده اعلامک اجرا اولنه جغه اسباب معقوله ارا نه ایتک اقتضا ایتدیکندن ، برحق دفعه لر اجنبی کیجیلر طرفندن سیاحتلری نیویورقه بیتمه یین اجنبی کیلر علیه اقامه ایدلمش متعدد دعوالره مداخله یی امریکا ایله دوستانه مناسباتده بولنان مملکتلرک تجاری ایشلرینی و مناسبتلرینی اخلاص ایله جک ماهیتده عد ایتدیکی جهته رد ایله مش بولندیغندن بحث ایده رک قراری ویرمش ایدی .

خارجیه و کیلی امریقا قانونلرینک و امریقا قونسلوسلرینه ویریلن تعلیماتک سواریلرله طائفه آراسنده آچیق دکزده و قره صولرنده تحدت ایدیه بیلجک هرکونه منازعاتک حلی ایچون احکام مخصوصه احتوا ایتدیکنی و انجاق قایدان و یا طائفه طرفندن جرم ارتکاب ایدلدیکی و یا حلی قونسلوسک دائرة صلاحیتی تجاوز ایدن بر قاریش قلق و قوعبولدیغی تقدیرده قانونک امریقا محکمه لرینه بو جرم لری جزالاندر مق و بو قاریش قلق لری فصل ایتک خصوصنده واسع صلاحیتلر ویردیکنی ذکر ایله بو قانونی احکامک و قونسلوسلق نظامنامه لرینک بو باده انکلتزده موجود قانون و نظامنامه لر احکامیه عموماً هم اهنک بولندیغندن شبهه ایتدیکنی بیلدیردی.

۱۸۵۹ ده هاور لیاننده دیرلی بولنان بر امریقا کمیسسی داخلنده شهر اهالیسنی متهیج و متأثر ایدن بر جنایت ارتکاب ایدلدی. کمینک ایکنجی قایدانی طائفه لرندن بریسنی اولدیردی و بر دیگرنی آغیر صورتده یارالادی. لیاننده بولنان دیگر کمیلر مرتباتی بو حادثه دن فوق العاده متهیج اولدیلر و مجرم قایدانی لینچ قانونی تطبیق ایتک صورتیه اولدیرمکه قالقش دیلر. قایدان کندیسنی تهدید ایدن تهله کدن قاچغه موفق اولدی و کندیسنی فرانسر مأمورلرینه بالاختیار تسلیم ایتدی. فرانسه ده قاتل اولق اوزره فرانسر محکمه سنک حضورینه سوق اولتسی اوزرینه محامیس محکمه نک عدم صلاحیتی ادعا ایتدی. مدعی عموی بو ادعایی رد ایله قضای محلینک صلاحیتی قوتله مدافعه ایتدی. محکمه تمیزدن ویریلن قرار بوفکری تأیید ایتدی و مجرم محاکمه و محکوم ایدلدی. محکمه قرارنده دیبورکه : « هر دولت ، کندی اراضیسی داخلنده کی لیانلرده ، بر اجنبی تجارت کمیسسی مرتباتی طرفندن یالکز بو کمی مرتباتندن اولیان اشخاص علیه دکل ، حتی بو مرتبات افرا دی طرفندن یکدیگری علیه ارتکاب ایدیه بیلن جنایت و جنجه لری ، بونلر لیان اسایشنی اخلال ایده جک ماهیتده اولدجه و یا مأمورین محلیه نک معاوتی طلب ایدلکجه و یا خود هر ملتک ، اراضیسنک بوتون اقسامنده احکامنه رعایتی تأمین ایتکله مکلف بولدیغی قانونلرینک حد ذاتنده اک عانی بر اخلالندن عبارت اولمسندن طولای ملکی و قضائی حاکمیت حقوقنی خللدار ایتکسزین هیچ بر ملتک جزاسز بر اقامایاجنی درجه ده آغیر بر حقوق عمومیه جنایاتی بولندجه جزالاندر مقده علاقه داردر .

اجنبی بر دولتک بو مبادینک تطبیقنده تجارت کمیلری لهنه استننا یالسنی طلب و ادعا ایتسنده هیچ بر منفعتی یوقدر مکرکه دولتلر اراسنده معاهدات مخصوصه بولمون ، او حاله بو معاهداتک حدودی دائره سنده . . .

۱۸۷۵ ده مکزیک قارمن ارطه سنده دمیروی بولنان آنه مون فرانسه کیمسنگ طائفه سندن دوران کی قایدانی اوژدن آنطونی طرفندن اولدی رلدی . مکزیک محکمه عالییه سی بوندن طولانی محلی مأمورینجه توقیف ایدلش اولانلرک سربست بر اقله سنی تحت قراره آلدی . محکمه نك فکرینه کوره جرمت قارمن اطه سی اها لیسنگ اسایشنی اخلال ایتدیکی ثابت اولامشدی و فرانسه کیمسند بولنان کیجیلر ایله سائر کیمسلر مکزیک مأمورلرینک نه حمایه سنی طلب ایتشلر نه ده کیمسه یی قتل ایله اتهام ایله مشلردی . مقتولک جسدینی قره یه یالکز مأمورین محلیه یه معلومات ویرمک ایچون چیقارمشلردی ، فرانسه ایله مکزیک آراسنده هیچ بر معاهده موجود دکلدی ، بو سببه بو مسئله متقابلیت اساسی ایله حل ایدمک لازم کلیر ایدی ، قاتل و مقتولک ایکیمی ده فرانسه ایدی ، کی ده فرانسه بیراغنی طاشیوردی . مقتولده مرتبات خارجنده بر کیمسه دکلدی . بو سببه مکزیک قانون جزاسنه کوره و متقابلیت اساسنه توفیقاً مکزیک محکمه لینه صلاحیت بخش ایدن بر وضعیت موجود دکلدی . شوراسنی علاوه ایده لم که مکزیک محکمه لری عمومیتله بر مکزیک لیماننده بر اجنبی طرفندن دیگر بر اجنبی علیه بر اجنبی کیمسند ارتکاب ایدیلن جرمی لیمان آسایشنی اخلال ایدمکجه و مجرم و متعرض علیه هر ایکیمی ده مرتباتدن بولندجه کندیلرینی صلاحیتدار عدایمه مکده درلر و بوده مکزیک قانون جزاسنگ مکزیک لیمانلرند ویا قره صولرند بولنان بر اجنبی تجارت کیمی داخلنده ارتکاب ایدیلن جرم لری انجق مجرم ویا متعرض علیه مرتباتدن اولماسی ویا لیمانک اسایشنی اخلال ایتمی حالنده مکزیک اراضیسند ایقاع ایدلش عد ایله ماعداسنگ متقابلیت اساسنه کوره حرکت اولنه جغنی تصریح ایله مش بولمسندن طولاییدر .

۱۸۴۴ ده مارسلیا لیمانده ده میروی بولنان برانکلیر کیمسنگ قایدانی ، کیمسنگ ریختمه بولنه جغنی یر یوزندن چیقان منازعه ده بر فرانسه کیمی قایدانی ضرب ایتش اولماسندن طولای محکمه ده محکوم ایدلدی .

۱۸۵۶ ده اتالانتا نام امریکا کیمی داخلنده طائفه ، کی ده آجیق ده کیزده ابکن ، عصیان ایتشلردی ، کی مارسلیا به کلدیکنده بولنر امریکا قونسولوسنگ طلبی اوزرینه مأمورین محلیه جه توقیف ایدلدیلر . بالاخره بولردن آلتیمی امریکا قونسولوسنگ اشعاری اوزرینه حبس خانه دن چیقاریلوب امریکاده جنایتله محاکمه ایدمک اوزره کی یه نقل اولندیلر . فقط قونسولوسک معلوماتی اولمقسزین مأمورین محلیه کی یه کیدوب بولنری جیراً تکرار آلدیلر .

ویکیدن توقیف ایله دیلر . امریقا سفیری امریقا ایله فرانسه آراسنده کی معاهده نك عقدندن بری ایلك دفعه اولارق مأمورین محلیه نك امریقا بایراغنی حامل و فرانسز لیمانده کائن کینک قونسولوسک مأموری اولقسزین کمی به کیردکلرندن طولانی شکایت و بونلرک هم اساس هم شکل اعتباریله صلاحیتلرینی تجاوز ایله دکلرندن بحث ایتدی .

آجیق ده کیزده ارتکاب ایدیلن بر جرم کینک منسوب اولدینی دولته راجع ایسه ده مسئله سفر مقاوله سی یا هوانک مساعد سزلکی ویا بالذات جرمک تأثیری ایله بر اجنبی لیمانده اوغراق مجبوریتنده قالان کینک ایچندن مأمورین محلیه نك مجرم لری جبراً آلوب آلامایا جقلرینه تعلق ایدیور ایدی . یو مسئله ده مجرم لک هانکی دولت تابعیتنده بولندقلری تمامیه ثابت اولاماشدی لکن ایکی طرف تبعه سندن اولمادقلری بالاخره مخبراتدن ا کلاشلمش ایدی .
ینه ۱۸۵۶ عه بر فرانسز قلاغوزی سوق ایتدیکی بر امریقا کمیسی سوارسی طرفندن دوچار اولدینی سوء معامله دن طولانی مأمورین محلیه شکایتده بولندی . هاور مدعی عمومیه سی طرفندن تعقیبات عدلیه به شروع اولندی . امریقا قونسولوسی ده قونسولوسلق مقاوله سنک ۸ نجی ماده سنه استناداً کندینی صلاحیتدار عد ایتدی . فی الحقیقه بو مقاوله انضباط داخلی به تعلق ایدن مسائل خصوصنده قونسولوسک صلاحیتی مأمورین محلیه یی بالاستثنا وضع ایدیور ایدیسه ده فرانسز عدلیه وکیلی بر کمی مرتباتندن اولمایانلرک علاقه دار بولندینی منازعاتی بو میانه ادخال ایتک جهتنک معاهده یی مذا کره ایدنلرک خاطر و خیالندن کچمیدیکنی تبیین ایدرک بو مدعای رد ایتدی سوارسی فرانسز محکمه سی حضورینه جلب و محکوم ایدلدی .

۱۸۷۲ ده بر پرو کمیسی حیا به کارانه چین عملیه سی طاشیمقدن طولانی ژاپونیا مأمورلرنجه معاینه و چینلیر مملکتلرینه اعاده ایدلدی . تحکیمنه مراجعت ایدیلن روس ایمپراطوری ۱۸۷۵ تاریخی اعلام ایله ژاپونیا به حق ویردی .

۱۸۷۶ ده انگلیز قره صولرنده فرانقونیا نام المان کمیسی بر انگلیز کمیسیله مصادمه ایدرک بونک یولجیلرندن برینک تلفنه سبب اولدی . فرانقونیانک سوارسی حقنده تعقیبات اجرا اولندی . استیناف محکمه سی قره صولری مسافه سنک مدتی تعیین امرنده انگلیز قانوننک ساکت و تطبیقاتک متناقض بولنسندن طولانی کندینی غیر صلاحیتدار عد ایتدی . و اشته بودرکه بالاده انگلیز اصولنده عرض ایتدیکنمز قانوننک سبب صدوری اولدی . بونکله برابر بوقانون چوق تنقید ایدلدی .

۱۸۹۲ ده المانیا ایمپراطورلغی محکمه عالییه سی عموماً قبول ایدلمش قواعدی تأیید ایدهرک آچیق ده کیزلرده تجارت سفائنک خارج از مملکت (!) اساسندن استفاده ایلیه جکئی فقط قره صولرینه کیرنجه خارج از مملکت کی نهایت بولا جغنی شو قدر که بوحالده بیله کمینک اداره داخلیله سنه تعلق ایدن خصوصاً ده کمی انضباطنک معتبر قاله جغنی تبیین ایله مشدر . بروکسل استیناف محکمه سی ده ۱۸۹۲ ده اجنبی بر تجاری سفینه نک بر بلجیقا لیاننده صرف قیصه بر مدت توقفی کمی قاپدان و مرتباتی حقنده بلجیقا محکمه لرینک صلاحیتی ایجاب ایتیه جکئی قرارلاشدیر مشدر . از میر ایتالیا قونسولسخانه محکمه سندن ده ۱۸۹۲ ده بر ایتالیا تجارت کمیسندن اجنبی بر لیانده واقع اولان فرار جرمنک ایتالیا اراضیسندنه واقع اولمش کی عد ایدلمسنه دائر بر قرار صادر اولمشدر .

بو امثالی ده تنوع ایتدیرمک ممکن ایهده بو قدری مختلف تطبیقات حقنده بر فکر ویرمکه مع زیاده کافی اولدیغندن نظریات و تطبیقاتدن استنباط اولنه جق نتیجه لری تثبیت ایله اکتفا ایلیه جکم .

دولتمزک بو کون هنوز هیچ بردوات ایله قونسولسلق مقاوله سی یوقدر . لوزان معاهده سنک مربوطاتندن اولان تجارت مقاوله لری سیر سفائن حقنده احکام احتوا ایدیور ایهده - ۳ ماده - قونسولسلرک سفائن تجاریه لری حقنده حائر اولدقلری صلاحیت و کیلرده ارتکاب ایدیلن جرملره دائر بوراده بالطبع احکام یوقدر . یالکز بحری قابوتاژی صید ماهی بی و لیانلر خدماتی یعنی جرو قلاغوزلغی ونه ماهیتده اولور ایه اولسون بالجه داخلی خدماتی کندی سنجاغنه حصر ایتمک حقنی محافظه ایدهرک دولت ، ملی سفائنه تطبیق ایتدیکی معامله بی عاقد دولتلر سفائننده تطبیق ایتمکه تعهد ایدیور . صراحت اولیان یرلرده حقوق دول قواعد عمومیه سنه کوره معامله اصل اولدیغندن و ذاتاً قونسولسلر حقنده لوزان معاهده سنک برنجی ماده سی بونی تبیین ایتدیکی کی بوتون دیگر دولتلره یاپیلان مخادنت معاهده لرینک ده اساسی بو اولدیغندن محکمه لر مز ایچون بوبابده حقوق دول قواعدی دائره سنده حرکت اولنق لازم کلیر . فرانسه اصولی بر چوق دولتلر جه قبول ایدلمکه برابر بر قاعده حقوقیه ماهیتی نه قطعیت نه تطبیقات اعتباریله حائر اولمادیغندن و بالذات فرانسز مؤلفرینک اعتراضاتی ده بونی کوستر مکده بولندیغندن حتی ده پانییه کوره عمومی اساسه منفعت و تطبیقات ملاحظه سیله بر استثنا اولدیغندن حکامز ایچون صلاحیت ملکیه بی اصل اتخاذ ایدهرک بونی لیانلر مزده

بولنان بوتون اجنبی تجارت کیلرنده ارتکاب اولنه حق جرائمه صورت مطلقه ده تطبیق ایتمک لازم کلیر. قره صولرنده ینه حاکمیت ملکیه یی اتخاذ ایتمکله برابر مملکت اسایشنک و یا خلقنک علاقه دار اولمادیقی جرائمه بونی تطبیق ایتمه مک استحساناً ترجیح ایدمک ایجاب ایدر. شو اساس دائره سنده مختلف احتمالاتی تثبیت ایده لم :

لیمانلرده :

۱ لیمانده دمیرلی بر اجنبی تجارت کیسینده بر جرم واقع اولمش . لیمانلرک دولتمک قره لرندن فرقی اولمادیقی همان بوتون مؤلفلرک راجح رأیی اولدیغندن بو جرائم محلی محکمه لرک صلاحیتی داخلنده در . بو کیلره ضابطه هر وقت دخول ایله اوراده تحریراتده بولنه ییله حکمی کبی اوراده کی مجرملری دردست و توقیف دخی ایدر. ایستهر جرم مراتب اراسنده اولسون ایستهر اجنبی علاقه دار بولسون .

۲ جرم بالذات کی طرفندن ارتکاب اولنور . کی دولت قوانین و نظاماتنه مخالف حرکت ایله ر ، قاجاق اشیا نقل ایدر ، لیمان نظاماتی اخلاص ایدر ، اسلحه ممنوعه طاشیر. عین قواعد تطبیق اولنور .

۳ جرم کیدن چیقان کیسه لر طرفندن کی خارجنده ایقاع اولنور . مجرملر قره ده یا قالا سون و یا کی به عودت ایتمش بولسون عین قواعد تطبیق اولنور . کی بونلری الوب دکره اچیلمش اولسه ده تعقیب اولنور . مکرکه کنندی و یا دیگر بر دولت صولرینه داخل اولا . اوچانده تعقیبات تعطیل و یا تأخیر اولنور .

۴ کی داخلنده واقع اولان افعال صرف مراتب بیننده و صرف کی اداره داخلیه سنه متعلق مسلکی و خصوصی منازعاته متعلق ایدیور ایسه بونلر حقنده محاکم محلیه به مراجعت واقع اولمادیجه وضع یده محل یوقدر . شو قدرکه بونلرک تقدیر و تفسیرینده صرف محلی محکمه لر صلاحیتداردر . محلی محکمه لره مراجعت واقع اولسه ده صرف مسلکی و انضباطی مسائلده ، مقابلیت قبول ایدن مملکتلر ایچون ، بونلری کنندی سفینه لرینه براقق راجح کوریلیر. بوراده همان یکسباق بر حقوق دول قاعده سنک موجودیتندن بحث ایدیله بیلیر . نته کیم حقوق دول انستیتوسی ۱۸۹۸ اجتماعنده قبول ایتدیکی نظامنامه نک ۳۰ نجی ماده سنده شو اساسی وضع ایدیور : « استثناء » بر لیمانده کیلر دروننده ارتکاب ایدیلن افعال منحصر آ

انضباطه و کمیچی وظائف مسلکیه سنه منافی افعال جرمیه دن ایسه انجاق کینک منسوب بولندیغی ملت عدلیه سنه عائد اولور. مأمورین محلیه اصولی دأره سنده معاونتلی طلب ایدلمدکجه و یا ارتکاب ایدیلن فعل لیان آسایشنی اخلال ایدیلدجک ماهیتده اولمادجقه مداخله دن اجتناب ایله ملیدر. بوضوئک حالده دخی قضای محلی، فعل، برانضباط جرمی اولمقله برابر بر حقوق عمومیه جرمی اولمادجقه صلاحیتدار اولاماز. »

۵. آچیق ده کیزلرده ارتکاب ایدلمش اولان جرائم کینک منسوب اولدیغی دولت محکمه لرینک قضاسنه تابع اولدیغندن لیانه کلن برسفینه داخلنده اچیق ده کیزده ایکن واقع اولمش جرائمدن طولانی شکایت واقع اولسه ده و تبعه محلیه علاقه دار بولنسه ده عدم صلاحیت اصلدر. مکرکه بو جرائم لیانده دخی جرم عد ایدیلدجک یکی وقایعی استتباع ایتسین. شو حالده اچیق دیزده ارتکاب ایدلمش جرم فاعل لرینک کمیده حبس ایدلمش اولمندن طولانی کمیده اولیانده بغیر حق حبس و توقیف اشخاص جرمی ارتکاب ایدلدیکندن بحثله محاکم محلیه نك مراجعتی طوغرو دکلدرد. بونکله برابر تبعه محلیه دن اولان مجرم قره یه اینش ایسه حقدنه محاکم محلیه نك صلاحیتی طبعیدر.

قره صولرنده :

۱. کیلر قره صولرنده صرف مرور حالنده دکل ایسه لر حقوق دول انستیتوسنک ده قبول ایتدیکی وجهله مجرد بر دولت قره صولرنده بولنملری کیفیتی ایله او دولت قضاسنه تابعدرلر. شو حالده بو وضعیت لیانلرده کی سفائنک وضعیتدر.

۲. قره صولرنده مجرد مرور حالنده اولان کیلر داخلنده، کمی دروننده کی اشخاص طرفندن کمی دروننده کی اشخاص علیه ارتکاب ایدیلن جنحه و جنایتلر ساحلدار دولتک و یا خود مرتباندن و یولجیلردن اولیان تبعه سنک حقوق و منافعی اخلال ایتدکجه ساحلدار دولتک قضاسی خارجنده در. ساحلدار دولتک حقوقی اخلال کیفیتی اک واسع صورته تفسیر و تطبیق اولنه بیلیر.

۳. بالذات کیلر طرفندن بر دولت قوانین و نظاماتنه مخالف یاپیلان افعال و جرائم. مثلاً کمی بی بر طاقم حقوق سیاسیه مجرملری مملکتک بر طرفنده عصیان چیقارمق اوزره تجهیز ایدوب کونده ریرلر و یا بالذات دروننده کلیرلر. ۱۸۳۲ ده سادنیایه عائد شارل آلبر

تجارت کمیسی دوشس دوبہری بی طرفدارلیہ برابر فرانسیہ چیقارمق و فرانسدہ متأسس
اولان حکومتی دہ ویرہک داخلی حربی آتشلہ مک اوزرہ مارسیلیا ساحلرینہ تقرب ایدرکن
یاقلاندی و مرتباتی و یوجیلری فرانسیز محکمہ لرنده محکوم ایدلدی .
کذلک قرہ صولرنده مرور ایدن برکینک خلاف اصول برکمی ایله مصادمہ سندن
طولانی دہ او دولت صلاحیتداردر .

محمد جمیل

حقوق دول مدرسی

